



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gnoti Seautón, Sive Arnoldi Geulincs Ethica

Geulincx, Arnold

Lugd. Batav., MDCLXXV

§. 8. Ultimum Præmium Virtutis. Ipsa Virtus.

[urn:nbn:de:hbz:466:1-48728](https://nbn-resolving.org/urn:nbn:de:hbz:466:1-48728)

si ex aliorum ignorantia honos ille defertur, eo nempe quod illi probum te existiment; jam honos non in te, sed in aliam aliquam personam, quem te sustinere putaverant, cadit.

§. 8. Ultimum Præmium Virtutis.

I P S A V I R T U S.

Cum vir bonus ita tandem penitus pacatus, & tranquillus, & à turbis suarum passionum liber, totus jam vacat Rationi, adeoque sapientiam sibi comparet, doctrinam & discipulos: ex acri illa & assidua contemplatione Rationis seu divinæ legis, summopere crescit in eo amor Rationis seu divinæ legis, summopere crescit in eo amor erga Rationem; Ratio enim tam est pulcra atque divina, ut (quod vulgo de scientiis & artibus jactatur adagium) *neminem habeat inimicum nisi ignorantem.* Atque hic amor Rationis rursus est virtus (ut patet ex definitione Virtutis) atque etiam ipsa virtus est inter sua Præmia, & quidem pulcerrimum maximumque sui Præmium, & merces ipsa est: quod & Poëta vidit, cum dicit:

Ipsa sui merces rerum pulcerrima Virtus.

Itur itaque divino prorsus & æterno curriculo de Virtute in Virtutem : felix qui se ipse & desideria sua omnia intra hunc circulum conclusit : & qui ideo tantum probus esse vult, ut semper magis magisque probus sit.

§. 9. Pœna Peccati.

Non est una, sed quamplurimæ : omnes cur sint : & in genere hoc §. perstringemus.

Cum igitur peccatum non sit aliud quam amor sui, hinc nascitur primum in malis diligens auscultatio ad sua commoda & voluptates, & modos eos, quibus hæc comparari possunt, quæ sollicitudo seculi, (ut Christiani eam vocant) & respondet diligentia : sicut enim diligentia est prima filia Virtutis, sic sollicitudo est prima filia peccati : hæc autem conjungitur cum magna tristitia & anxietate : tristitia quidem oritur ex eo quod bono suo, quod unice & tam impense amant (id est, sibi ipsis) tam multa deesse videant : anxietas vero, quod tam difficile videant esse supplementum omnium istorum defectuum, & quod cupiditates suas tam ægrè exsaturare possint : discunt enim
 expe.